

National Museum of Ireland

museum

National Museum of Ireland

Ard-Mhúsaem na hÉireann

Cúntóir Forbartha Tráchtála

(Leibhéal Oifigeach Cléireachais)

Ard-Mhúsaem na hÉireann

LEABHRÁN EOLAIS

National Museum of Ireland

Tá **Ard-Mhúsaem na hÉireann** ag lorg duine cumasach, fuinniúil agus féin-spreagtha chun dul isteach inár bhFoireann Oibríochtaí chun post Cúntóir Forbartha Tráchtála (Leibhéal Oifigeach Cléireachais) a líonadh chun tacú leis an leathnú atá á dhéanamh i gcónaí ar ghníomhaíocht tráchtála an Mhúsaeim agus é a riar. Post buan lánaimseartha é seo.

Teideal an phoist

Cúntóir Forbartha Tráchtála (Leibhéal Oifigeach Cléireachais)

Suíomh

Beidh an té a cheapfar ag obair in Ard-Mhúsaem na hÉireann, Ealaíona Maisiúla & Stair, Dún Uí Choileáin, Sráid na Binne Boirbe, Baile Átha Cliath 7 nó in aon láthair eile d'Ard-Mhúsaem na hÉireann faoi mar a d'fhéadfadh an Stiúrthóir a ainmniú ó am go chéile.

Ag tuairisciú do

Tuairisceoidh an té a cheapfar don Bhainisteoir Forbartha Tráchtála nó d'aon bhainisteoir músaem eile a cheapfaidh Stiúrthóir an Ard-Mhúsaeim.

Freagrachtaí an Phoist

Beidh sé de chúram ar an oibrí seo cabhrú chun toradh tráchtála a bhaint amach don Mhúsaem ó ghníomhaíochtaí atá anois ann, m.sh. cearta agus atáirgeadh, ligean ionaid, suíomh do scannáin, carrpháirceáil agus bronntanais.

Déileálfaidh an té a cheapfar leis na hiarrataí laethúla ar chearta agus ar atáirgeadh agus rachaidh sí/sé i dteagmháil leis an roinn grianghrafadóireachta chun seirbhís a sholáthar don phobal ar bhealach éifeachtach tráthúil.

Dualgais agus Cúraimí

Is féidir dhá phríomhchatagóir a dhéanamh de phríomhchúraimí an phoist seo:

Gníomhaíocht Thráchtála

- Gníomhaíochtaí tráchtála atá ar bun ag an Músaem cheana a riar ar aon dul le spriocanna aontaithe, lena n-áirítear an lónadóireacht, ligean an ionaid ar cíós, cearta agus atáirgeadh, agus gníomhaíochtaí eile ginte ioncaim.
- Gníomhú go réamhghníomhach chun sruthanna nua ioncaim a aithint agus a chur ar fáil, ar aon dul le luachanna branda agus éiteas an Mhúsaeim.
- Monatóireacht agus tuairisciú a dhéanamh i gcomparáid le spriocanna bliantúla atá socraithe ag an mBainisteoir Forbartha Tráchtála agus ag an Stiúrthóir i dtaca le gach gníomhaíocht thráchtála ar aon dul leis na spriocanna atá leagtha amach i bplean straitéiseach an Mhúsaeim agus i bpleananna bliantúla gnó.
- Dul i mbun oibre le hAonad Airgeadais an Mhúsaeim chun tuairisciú a dhéanamh agus sonraisc a eisiúint maidir le gníomhaíochtaí miondíola sa Mhúsaem.
- Monatóireacht agus tuairisciú a dhéanamh ar fheidhmíocht agus ar dhul chun cinn i dtaca le brabúsacht agus gníomhaíocht.
- A chinntiú go gcuirtear ardchaighdeán seirbhísí gnó agus seirbhísí do chustaiméirí ar fáil go comhsheasmhach i ngach ceann de ghníomhaíochtaí tráchtála an Mhúsaeim.
- Tuairisciú a dhéanamh i gcomparáid le buiséad leithdháilte.

National Museum of Ireland

Sonraíocht Phearsanta

Riachtanach

- Trí bliana ar a laghad de thaithí ar ról seirbhíse do chustaiméirí agus / nó Cáilíocht Leibhéal 6 nó Ardcháilíocht.
- An cumas eolas agus sonraí tráchtála a thuiscint agus a anailísiú.
- Scileanna láidre bainistíochta agus idirbheartaíochta i dtaca le soláthraithe/ conraitheoirí.
- A bheith inspreagtha agus in ann tú féin a oiriúnú agus oibriú de réir sprioc-amanna.
- A bheith an-eagraithe agus cur chuige solúbtha a bheith agat.
- Dea-scileanna cumarsáide, idir labhartha, scríofa agus idirphearsanta
- An cumas obair a dhéanamh faoi bhrú agus cásanna dúshlánacha a láimhsiú.
- Féinmhuinín, uaillmhian agus díogais.
- An cumas buiséid a bhainistiú agus braisint freagrúlachta.
- Macántacht agus ardscoleanna taidhleoireachta agus gairmiúla.
- Scileanna láidre Microsoft Excel.
- Ardchumas i ríomhchláir eile de chuid Microsoft Office, lena n-áirítear Word, PowerPoint agus Outlook.
- Taithí ar shonrascadh agus ar orduithe ceannaigh.
- Taithí ar dhéileáil le cearta agus atáirgeadh.

Inmhianaithe (gan a bheith riachtanach)

- Taithí ar earnálacha músaem, gailearaí, oidhreachta nó cultúir.
- Taithí ar fháilteachas.
- Taithí ar imeachtaí.

National Museum of Ireland

An Próiseas Roghnúcháin

I gcás go bhfaightear i bhfad níos mó iarratas ná mar is gá chun an folúntas reatha agus aon fholúntas eile a mheastar a thiocthaidh chun cinn i dtréimhse an phainéil a líonadh, is féidir go gcuirfidh Ard-Mhúsaem na hÉireann próiseas gearrliostaithe i bhfeidhm faoina n-iarrfar ar roinnt iarrthóirí dul faoi agallamh ar bhonn an eolais atá tugtha acu ar a bhfoirmeacha iarratais. Ní hionann sin agus a rá go bhfuil na hiarrthóirí eile neamhoiriúnach, nó nach bhféadfaidís an obair a dhéanamh, ach go bhfuil iarrthóirí eile ann ar an ócáid seo atá níos cáilithe, ar bhonn an eolais atá tugtha acu, agus/nó go bhfuil taithí níos ábhartha acu.

Ní aisíocann Ard-Mhúsaem na hÉireann aon chostas a ghabhann le taisteal chun agallaimh.

Riachtanais Saoránachta

Seo na grúpaí saoránach a cháilíonn:

- (a) Saoránaigh den Limistéar Eorpach Eacnamaíoch. Ballstáit an Aontais Eorpaigh mar aon leis an Íoslainn, an Iorua agus Lichtinstéin atá i gceist leis an LEE; nó
- (b) Saoránaigh den Eilvéis de bhun comhaontú idir an AE agus an Eilvéis ar shaorghluaiseacht daoine; nó
- (c) Saoránaigh nach saoránaigh LEE iad ach ar céile nó leanbh de chuid saoránach LEE nó saoránach Eilvéiseach iad agus víosa stampa 4 acu; nó
- (d) Daoine a bhfuil cosaint idirnáisiúnta á fháil acu faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 acu; nó
- (e) Saoránaigh nach saoránaigh den LEE iad ach ar tuismitheoirí leanbh cleithiúnach iad nó saoránaigh de chuid bhallstát LEE nó den Eilvéis, a bhfuil cónaí orthu i dtír LEE nó san Eilvéis, agus a bhfuil víosa stampa 4 acu.

Ní mór d'iarrthóirí ceann amháin de na critéir shaoránachta thuas a chomhlíonadh faoin lá a dtairgtear post dóibh.

Scéim Luathscoir Dhreasaithe (ISER):

Is coinníoll é den Scéim Luathscoir Dhreasaithe (ISER), mar atá sé leagtha amach in Imlitir 12/09 na Roinne Airgeadais, go gcoiscítear daoine atá ar scor faoin scéim sin ó chur isteach ar aon phost eile san fhostaíocht nó san earnáil chéanna. Mar sin, ní ghlacfar le hiarratais ó dhaoine atá ag baint leas as an scéim sin.

Imlitir (7/2010) na Roinne Sláinte agus Leanaí:

Le hmlitir (7/2010) na Roinne Sláinte agus Leanaí den 1 Samhain 2010 tugadh isteach Scéim Spriocdhírthe um Luathscor Deonach (VER) agus Scéim Iomarcaíochta Deonaí (VRS). Is coinníoll den scéim VER é nach gcáileoidh daoine a bhaineann leas as an scéim le cur isteach ar athfhostaíocht san earnáil sláinte phoiblí nó san earnáil phoiblí i gcoitinne, nó i gcomhlacht a mhaoineítear go hiomlán nó go páirteach as cistí poiblí. Tá feidhm ag an gcosc céanna ar athfhostaíocht faoin scéim VRS ach ní mhairfidh an cosc ach go ceann seacht mbliana agus caithfidh an tAire Caiteachais Phoiblí agus Athchóirithe toiliú a thabhairt i gcás aon athfhostaithe ina dhiaidh sin. Daoine a bhain leas as aon cheann den dá scéim sin, ní cháileoidh siad chun dul isteach sa chomórtas seo.

Comhaontú Comhchoiteann: Íocaíochtaí Pinsin le Seirbhísigh Phoiblí

Le litir dar dáta an 28 Meitheamh 2012 chuig oifigigh pearsanra, thug an Roinn Caiteachais Phoiblí agus Athchóirithe isteach Comhaontú Comhchoiteann, le héifeacht ón 1 Meitheamh 2012, a rinneadh idir an Roinn Caiteachais Phoiblí agus Athchóirithe agus Coiste Seirbhísí Phoiblí Chomhdháil na gCeardchumann maidir le híocaíochtaí iomarcaíochta ex-gratia do sheirbhísigh phoiblí. Is coinníoll é den chomhaontú comhchoiteann nach gcáileoidh daoine a bhain leas as an gcomhaontú seo le cur isteach ar athfhostaíocht sa tseirbhís phoiblí nó in aon chomhlacht seirbhíse poiblí (mar a shainítear iad sna hAchtanna um Bearta Airgeadais Éigeandála ar Mhaithe le Leas an Phobail, 2009-2011) go ceann dhá bhliain ó dheireadh na fostaíochta. Ina dhiaidh sin beidh toiliú an Aire Caiteachais Phoiblí agus Athchóirithe de

National Museum of Ireland

dhíth sula n-athfhostaítear an t-iarrthóir. Daoine a bhain leas as an scéim seo agus a d'fhéadfadh áit a bhaint amach sa chomórtas seo, beidh orthu a chruthú go gcáilíonn siad chun an post a ghlacadh (deireadh a bheith tagtha leis an tréimhse neamhcháilitheachta) agus beidh toiliú an Aire de dhíth sular féidir glacadh le haon fhostaíocht le comhlacht seirbhíse poiblí.

Dearbhú: Iarrfar ar iarratasóirí a dhearbhú cibé ar bhain siad leas roimhe seo as aon scéim luathscoir dhreasaithe seirbhíse poiblí. Beidh ar iarratasóirí a dhearbhú, leis, cibé an bhfuil aon teidlíocht acu ar phinsean seirbhíse poiblí (atá á íoc nó atá forchoimeáda) ó aon fhostaíocht seirbhíse poiblí eile agus/nó an bhfuair siad íocaíocht in áit seirbhíse in aon fhostaíocht seirbhíse poiblí.

National Museum of Ireland

TREORACHA CHUN IARRATAS A DHÉANAMH

Ní mór an t-iarratas a dhéanamh sa roinn folúntas de shuíomh gréasáin an Ard-Mhúsaem:
<https://www.museum.ie/en-IE/About/Careers/Vacancies>

Iarrtar ar iarratasóirí foirm iarratais a líonadh isteach agus CV suas chun dáta agus litir chlúdaigh a chur isteach leis. **[Iarrimid ort gach ceann de na trí dhoiciméad a chomhcheangal agus a chur isteach i bhfoirm PDF amháin](#)**

Mura ndéantar, féachfar air mar iarratas neamhiomlán agus ní chuirfear san áireamh é.

Caithfear gach ceist ar an bhfoirm iarratais a fhreagairt agus iad a chlósáil. Ní ghlacfar le hiarratais lámhscríofa.

Tosaigh an próiseas iarratais ar ár leathanach [Folúntais](#).

Céimeanna chun Iarratas a Dhéanamh:

- Gabh chuig an leathanach Folúntais agus roghnaigh an post ar mian leat cur isteach air.
- Léigh sonraí iomlána an phoist sa Leabhrán Eolais.
- Feicfidh tú na doiciméid atá riachtanach do d'iarratas i bhfoirm nasc ar an leathanach seo.
- Clliceáil gach doiciméad agus osclóidh sé i bhfuinneog nua. Déan gach doiciméad a íoslódáil/a shábháil ar do ríomhaire/ar do ghléas.
- Líon isteach na doiciméid riachtanacha, agus déan PDF amháin de na doiciméid, do CV agus do litir chumhdaigh.
- Agus é sin déanta, fill ar shuíomh gréasáin an NMI agus críochnaigh an próiseas iarratais.
- Arís, ón leathanach [Folúntais](#) roghnaigh an post ar mian leat cur isteach air.
- Clliceáil an cnaipe **Apply Now**.
- Líon isteach an fhoirm.
- Uaslódáil do PDF aonair cumasctha.
- Líon isteach an tseiceáil CAPTCHA agus clliceáil ar **Submit Your Application**.

Iarrtar ort **seoladh ríomhphoist bailí monatóirithe** a thabhairt ar an bhfoirm iarratais. Úsáidfean an seoladh chun fáil an iarratais a admháil leat agus mar an príomhfhoirm teagmhála a bheidh againn le hiarratasóirí. D'fhéadfaí painéal a chur le chéile óna líonfar folúntas ag leibhéal an chomhairleora amach anseo

Ní mór d'iarratasóirí aird a thabhairt ar an dáta agus ar an am deiridh, a chuirfear i bhfeidhm gan eisceacht.

Spriocdháta na nIarratas

**Ní mór iarratais a bheith faighte ar a 5 tráthnóna
Dé hAoine 16 Aibreán 2021.**

NÍ GHLACFAR LE HIARRATAIS DHÉANACHA FAOIN IARRATASÓIR A BHEIDH SÉ A CHRUTHÚ GUR SHROICH AN TIARRATAS AN SEOLADH THUAS IN AM TRÁTHA. Cloífean go docht leis an dáta agus an leis am deiridh d'iarratais;

National Museum of Ireland

Ní bhreithneofar iarratais ar an bpost seo ach amháin ar bhonn na foirme iarratais agus an CV. Iarrfar sonraí triúr teistiméirí má théann an t-iarratasóir ar aghaidh chuig an chuid dheireanach den phróiseas earcaíochta. Dícháileoidh canbhasáil.

Cúntóir Forbartha Tráchtála (Leibhéal Oifigeach Cléireachais)

Príomhchoinníollacha seirbhíse

Pá

€471.20	€502.02	€509.85	€525.13	€547.67	€570.17	€592.67	€609.05
1	2	3	4	5	6	7	8
€627.60	€649.16	€664.35	€685.68	€706.90	€739.99	€766.01	€777.93
9	10	11	12	13	14 NMAX	15 *LSI(1)	16 *LSI(2)

Faoi réir fheidhmíocht shásúil, is féidir go n-íocfar breiseanna ar aon dul le beartas an Rialtais

* Tar éis seirbhíse shásúil trí bliana ar a laghad.

* Tar éis seirbhíse shásúil sé bliana ar a laghad.

An Tuarastal Tosaigh

Ceapfar an ceannasáil ar íospointe an scála - **€471.20** sa tseachtain, an 1^ú pointe ar scála an Oifigigh Chléireachais (Scála PPC) (**Athbhunú Pá 2% D.F. 2020**). D'fhéadfaí an ráta tuarastail a choigeartú ó am go chéile ar aon dul le beartas pá an Rialtais.

Tionacht

I gcáil phromhaidh ar feadh bliana a dhéanfar an ceapachán. Faoi réir na tréimhse promhaidh a bheith sásúil, tairgfear Conradh d'Fhad Éiginnte. D'fhéadfadh ceachtar páirtí an ceapachán a fhorceannadh uair ar bith de réir na nAchtanna um Fhógra Íosta agus Téarmaí Fostaíochta 1973 agus 1991.

Saoire bhliantúil

22 lá sa bhliain an tsaoire bhliantúil.

ag méadú go 23 lá tar éis sheirbhíse cúig bliana

24 lá tar éis sheirbhíse dheich mbliana

25 lá tar éis sheirbhíse dhá bhliain déag

26 lá tar éis sheirbhíse cheithre bliana déag

Ar sheachtain oibre cúig lá a bhunaítear an tsaoire seo agus ní chuirtear laethanta saoire bainc san áireamh ann.

Uaireanta oibre

Socrófar na huaireanta oibre ó am go chéile ar aon dul le comhaontuithe lárnacha ach ní sháróidh siad 43.25 uair chomhlána sa tseachtain (37 nglanúair sa tseachtain). Más gá uaireanta breise a oibriú, ceadófar íocaíochtaí ragoibre, nó am saor in lieu, de réir rialacháin ragoibre na státseirbhíse. Tá uaireanta solúbtha oibre ar fáil ar aon dul le beartas Ard-Mhúsaem na hÉireann ar uaireanta oibre solúbtha.

Dualgais

Ceanglófar aon dualgas atá cuí don phost, agus a d'fhéadfaí a shannadh duit ó am go chéile, a chomhlíonadh. Post lánaimseartha a bheas ann agus ní bheidh aon cheangal agat le haon ghnó lasmuigh a chuirfeadh isteach ar fheidhmiú na ndualgas oifigiúil. Aontaíonn tú

National Museum of Ireland

tabhairt faoi na dualgais a ghabhann leis an bpost agus glacadh leis na coinníollacha faoina gcaithfear na dualgais a chomhlíonadh.

Ginearálta

Déantar an ceapachán faoi réir Achtanna Rialaithe na Státseirbhíse, 1956 go 1996, Acht um Bainistíocht na Seirbhíse Poiblí (Earcaíocht agus Ceapacháin) 2004 agus aon acht eile atá i bhfeidhm faoi láthair maidir leis an státseirbhís. Déanfar an ceapachán faoi réir bheartais Ard-Mhúsaem na hÉireann maidir le Cód na gCaighdeán agus na hlompraíochta.

Aoisliúntas agus Scor

Tairgfear na téarmaí agus na coinníollacha cuí aoisliúntais don iarrthóir rathúil, faoi mar atá i réim in Ard-Mhúsaem na hÉireann nuair a thairgtear an ceapachán. I gcoitinne, agus ach amháin i gcás iarrthóirí a d'oibrigh i bpost inphinsin seirbhíse poiblí (téarmaí na scéime neamhaonair) sna 26 seachtain roimh an cheapachán (féach alt d thíos), ciallaíonn sin go dtairgfear an ceapachán bunaithe ar bhallraíocht den Scéim Pinsin Seirbhíse Poiblí Aonair (“An Scéim Aonair”). Is iad seo a leanas príomhfhórlacha bhallraíochta na Scéime Aonair:

a. Aois Inphinsin

Is é 66 an aois íosta ag a mbíonn pinsean iníoctha (ag méadú go 67 agus 68) ar aon dul le hathruithe ar an aois don Phinsean Stáit.

b. Aois Scoir:

Ní mór do bhaill na scéime dul ar scor ag aois 70.

c. Maolú Pinsin

- Má bhí an ceapaí fostaithe roimhe seo sa státseirbhís agus ag fáil pinsin ón státseirbhís, beidh feidhm ag na gnáthrialacha maolaithe. Ach má bhí an ceapaí fostaithe sa státseirbhís roimhe seo agus má bronnadh pinsean air/uirthi faoi shocruithe luathscoir dheonaigh (seachas an Scéim Luathscoir Dhreasaithe (ISER) nó VER/VRS na Roinne Sláinte faoi Imlitir 7/2010, a chuireann daoine as an áireamh don chomórtas seo, mar a míníodh thuas), beidh deireadh le teidlíocht an duine sin ar an bpinsean sin le héifeacht ó dháta an cheapacháin. Déanfar socruithe speisialta, áfach, chun seirbhís a thug an ceapaí roimhe seo a ríomh chun críocha aon dámhachtain pinsin a bhféadfadh an ceapaí cáiliú dó.
- Má bhí an ceapaí fostaithe roimhe seo sa státseirbhís nó sa tseirbhís phoiblí, tabhair ar aird go bhfuil foráil san Acht um Pinsin Seirbhíse Poiblí (Scéim Aonair agus Forálacha Eile) 2012 a leathnaíonn maolú pinsin chuig gach státseirbhíseach nó seirbhíseach poiblí a athfhostaítear fad a bhíonn pinsean seirbhíse poiblí á íoc. Tháinig an fhoráil chun maolú a chur i bhfeidhm sa tseirbhís phoiblí i gcoitinne isteach ar an 1 Samhain 2012. **Is féidir go mbeidh impleachtaí pinsin ag an bhforáil sin do dhuine ar bith a cheaptar sa phost seo agus atá ag fáil pinsin státseirbhíse nó seirbhíse poiblí nó a bhfuil pinsean státseirbhíse nó seirbhíse poiblí caomhnaithe aige/aici, pinsean a thosófar a íoc laistigh dá t(h)réimhse fostaíochta sa phost seo.**
- **Imlitir 102/2017 maidir le Scéim Luathscoir na Roinne Oideachais agus Scileanna do Mhúinteoirí**
Thug an Roinn Oideachais agus Scileanna Scéim Luathscoir isteach do Mhúinteoirí. Is coinníoll é den Scéim Luathscoir, ach amháin sna cásanna atá leagtha amach i bparagraif 10.3 agus 10.3 de na himlitreacha cuí, agus sna cásanna sin amháin, má ghlacann múinteoir le luathscor faoi **Shnáithe 1, 2 nó 3** den scéim seo agus go bhfostaítear é nó í i gcáil ar bith in aon réimse den earnáil phoiblí, **cuirfear deireadh láithreach** le híoc aon phinsin leis an duine sin. Atosófar na híocaíochtaí pinsin ar

National Museum of Ireland

chríoch na fostaíochta sin nó ar 60ú breithlá an duine sin, cibé acu is déanaí, ach ar a atosú, bunófar an pinsean ar sheirbhís inríofa iarbhír an mhúinteora sin (.i. ní chuirfear na blianta breise a deonaíodh roimhe sin san áireamh agus an íocaíocht pinsin á ríomh).

- **Scor de dheasca easláinte** I gcás ina dtéann duine ar scor ó chomhlacht Státseirbhíse nó Seirbhíse Poiblí ar chúiseanna easláinte is féidir go mbeidh a p(h)insean ón bhfostaíocht sin faoi réir athbhreithniú de réir rialacha an scoir easláinte atá mar chuid de scéim pinsin na fostaíochta sin.

d. Iarsheirbhísigh Phoiblí

Cé gurb é ballraíocht sa Scéim Aonair na téarmaí réamhshocraithe pinsin, mar atá leagtha amach sna paragraif roimhe seo, is féidir nach mbeidh feidhm aige seo maidir le ceapaithe áirithe. Tugtar gach coinníoll a rialaíonn cibé an mbaineann seirbhíseach poiblí leis an Scéim Aonair nó nach mbaineann san Acht um Pinsin Seirbhíse Poiblí (Scéim Aonair agus Forálacha Eile) 2012. Ach is é an príomhchás eisceachta (i gcomhthéacs an chomórtais seo agus i gcoitinne) nach gnách go mbainfeadh **duine a d'oibrigh i gcáil inpinsin (téarmaí nach téarmaí na scéime aonair iad) sa tseirbhís poiblí laistigh de 26 seachtain de dhul i mbun oibre, leis an Scéim Aonair**. I gcás mar sin is amhlaidh go dtairgfaí ballraíocht sa scéim pinsin do státseirbhísigh neamhbhunaithe (“Scéim Pinsin d’Fhostaithe Stáit Neamhbhunaithe”) d’iarrthóir mar sin. Chiallóidh sé sin go mbeadh feidhm leis na forálacha maolaithe ag (c) thuas, agus anuas ar sin bheadh impleachtaí ann maidir le fabhrú pinsin mar a mhínítear thíos:

e. Fabhrú Pinsin

Bheadh feidhm le teorainn 40 bliain ar an tseirbhís iomlán a bheadh inríofa i leith pinsin i gcás ina raibh an duine sin ina bhall de níos mó ná scéim pinsin seirbhíse poiblí amháin. Tháinig an teorainn 40 bliain, a bhforáiltear dó san Acht um Pinsin Seirbhíse Poiblí, 2012, isteach ar an 28 Iúil 2012. **Is féidir go mbeidh impleachtaí aige sin d’aon cheapaí a bhfuil cearta pinsin faighte aici/aige i bhfostaíocht seirbhíse poiblí roimhe seo.**

f. Asbhaint maidir le Pinsean

Déantar an ceapachán seo faoi réir asbhaint maidir le pinsean de réir an Achta um Bearta Éigeandála Airgeadais ar mhaithe le Leas an Phobail 2009. Gheofar tuilleadh eolais i dtaobh Scéim Pinsin na Seirbhíse Poiblí do sheirbhísigh poiblí ag: <http://www.per.gov.ie/pensions>

Saoire bhreiteachta

Is féidir pá iomlán le linn saoire bhreiteachta le deimhniú cuí, ar choinníoll nach bhfuil aon fhianaise ann ar éagumas buan chun seirbhíse, a cheadú suas go 92 lá sa bhliain agus ar leathphá ina dhiaidh sin, faoi réir 183 d’uaslíon laethanta breiteachta in aon tréimhse cheithre bliana nó faoina bhun.

Iarrfar ar an gceapaí sainordú a shíniú lena n-údarófar don Roinn Coimirce Sóisialaí chun aon sochair atá dlite faoi na hAchtanna Leasa Shóisialaigh a íoc go díreach le hArd-Mhúsaem na hÉireann agus beidh íocaíocht le linn na breiteachta faoi réir oifigigh a dhéanfadh na héilimh riachtanacha ar shochar árachais shóisialaigh chuig an Roinn Coimirce Sóisialaí laistigh de na teorainneacha ama i dtrácht.

Rúndacht oifigiúil agus ionracas

Beidh an ceapaí faoi cheangal ag forálacha an Achta um Rúin Oifigiúla 1963, arna leasú ag an Acht um Shaoráil Faisnéise, 1997. Aontóidh an ceapaí gan aon eolas rúnda, go háirithe eolas tráchtála, a nochtadh do thríú páirtithe le linn nó tar éis an téarma fostaíochta.

Réamhcheadú foilseachán

National Museum of Ireland

Ní aontóidh an ceapaí ábhar maidir le dualgais oifigiúla a fhoilsiú gan chead roimh ré ó Stiúrthóir Ard-Mhúsaem na hÉireann.

Gníomhaíocht pholaitiúil

Le linn thréimhse na fostaíochta, beidh an ceapaí faoi réir rialacha a rialaíonn státseirbhísigh agus an pholaitíocht.

Sonraí breise

Gheofar forálacha maidir le téarmaí agus coinníollacha eile, ar nós catagóirí saoire (saoire mháithreachais, uchtála agus sláinte agus sábháilteachta san áireamh), a bhféadfadh cuid nó gach ceann díobh a bheith ábhartha maidir leis an gceapaí, leagtha amach in imlitreacha ar www.personnelcode.gov.ie.

Níl anseo ach treoir. Eiseofar na téarmaí agus na coinníollacha iomlána mar chuid den chonradh fostaíochta.